

Pemohon: Cert Holder Name
Bakal Peserta: Participant Name

Tarikh: DD/MM/YY
Tarikh Lahir: DD/MM/YY
Umur: XX

HELAIAN PENDEDADAHAN PRODUK – GoldenSecure-i Style

Sila baca Helaian Pendedahan Produk ini sebelum anda membuat keputusan untuk menyertai pelan GoldenSecure-i Style. Pastikan juga anda membaca terma dan syarat di dalam Ilustrasi Manfaat dan Sijil Takaful setelah permohonan anda diterima.

AmMetLife Takaful Berhad ialah pengendali takaful keluarga berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

1. Apakah GoldenSecure-i Style?

GoldenSecure-i Style adalah pelan takaful berkaitan pelaburan sumbangan tunggal yang menyediakan gabungan manfaat perlindungan takaful dan pelaburan. Ia membayar jumlah perlindungan atau nilai Dana Pelaburan Peserta, yang mana lebih tinggi, secara sekaligus, sekiranya Peserta meninggal dunia mengalami hilang upaya menyeluruh dan kekal atau penyakit kritis semasa tempoh pelan.

Nilai pelan takaful berkaitan pelaburan ini adalah bergantung kepada harga unit-unit sandaran, di mana ia bergantung kepada prestasi dana(-dana) yang telah anda pilih.

2. Apakah konsep-konsep Syariah yang diguna pakai?

- **Wakalah** – Pelan ini menggunakan pakai konsep Wakalah (Perwakilan), di mana semua pemegang sijil melantik AmMetLife Takaful Berhad (AmMetLife Takaful) untuk bertindak bagi pihak mereka untuk melaburkan dan menguruskan Dana Pelaburan Peserta (DPP) dan Dana Risiko Peserta-peserta (DRP). AmMetLife Takaful berhak menerima fi wakalah seperti yang dinyatakan dalam Ilustrasi Manfaat untuk menguruskan dan melaburkan dana-dana.
- **Tabarru'** – Pelan ini menggunakan pakai konsep Tabarru', di mana semua pemegang sijil bersetuju untuk menderma sebahagian daripada jumlah DPP yang telah ditentukan ke dalam DRP untuk tujuan bantuan bersama dan pertolongan kepada semua pemegang sijil ketika ditimpa musibah.
- **Qardh** – Pinjaman tanpa faedah daripada AmMetLife Takaful sekiranya DRP berada dalam keadaan defisit. Pinjaman ini akan dibayar semula (dengan nilai yang setara) apabila terhasil lebihan daripada DRP pada masa hadapan.

3. Apakah perlindungan-perlindungan / manfaat-manfaat yang disediakan?

Jumlah Perlindungan Asas untuk pelan ini adalah: RM XXX

Manfaat-manfaat pelan ini adalah:

Manfaat-manfaat	Jumlah akan dibayar
Manfaat Kematian	RMXXX atau nilai DPP, yang mana lebih tinggi.
Manfaat Hilang Upaya Menyeluruh dan Kekal (HUMK)	RMXXX atau nilai DPP, yang mana lebih tinggi.
Manfaat Penyakit Kritis (PK)	RMXXX atau nilai DPP, yang mana lebih tinggi.
Manfaat Matang	Nilai DPP.

*Jumlah perlindungan akan bertambah dengan amaun sumbangan tambahan dan akan berkurang dengan amaun pengeluaran sebahagian.

Nota: Sijil Takaful ini akan ditamatkan selepas pembayaran satu daripada manfaat-manfaat di atas.

• Dana Pelaburan

- | | |
|---------------------------------------|-----|
| AmMetLife Takaful Balanced Fund: | XX% |
| AmMetLife Takaful Balanced Plus Fund: | XX% |
| AmMetLife Takaful Equity Fund: | XX% |
| AmMetLife Takaful Sukuk Fund: | XX% |

Peringatan: Sila baca Ilustrasi Manfaat dan Helaian Fakta Dana yang disediakan oleh AmMetLife Takaful berkenaan manfaat-manfaat produk dan objektif dana berkaitan pelaburan. Adalah penting untuk memilih dana atau gabungan dana-dana yang menepati matlamat kewangan dan profil risiko anda.

Hilang Upaya Menyeluruh dan Kekal (HUMK)

HUMK bermaksud peserta mengalami salah satu kecacatan yang berikut:

- a) Hilang penglihatan di kedua-dua belah mata secara menyeluruh dan kekal; atau
- b) Hilang secara fizikal (atau hilang penggunaan secara menyeluruh dan kekal) dua anggota badan pada atau di atas pergelangan tangan atau pergelangan kaki; atau
- c) Hilang penglihatan pada sebelah mata dan hilang secara fizikal (atau hilang penggunaan secara menyeluruh dan kekal) satu anggota badan pada atau di atas pergelangan tangan atau pergelangan kaki.

Sekiranya Peserta yang bekerja atau terlibat dengan mana-mana perniagaan di mana pendapatan, keuntungan, komisen atau pampasan dijana semasa permulaan HUMK maka HUMK adalah termasuk sebarang situasi di mana peserta telah disahkan hilang upaya sehingga peserta tidak dapat melakukan apa-apa pekerjaan.

Peserta juga dianggap mengalami HUMK jika Peserta telah disahkan hilang upaya sehingga Peserta tidak dapat melakukan sekurang-kurangnya 3 daripada 6 Aktiviti Kehidupan Harian (AKH) yang disenaraikan di bawah:

Mandi/Membersihkan Diri	Keupayaan untuk membersihkan diri di tempat mandi atau mandi pancuran (termasuk memasuki dan keluar dari tempat mandi tab atau mandi pancuran) atau membersihkan diri dengan cara yang lain.
Perihal Mengawal	Keupayaan untuk mengawal fungsi usus dan pundi kencing secara sendirinya seperti menjaga kebersihan diri.
Pemakaian	Memakai dan menanggalkan kesemua pakaian yang perlu tanpa memerlukan bantuan orang lain.
Makan	Kesemua tugas memasukkan makanan ke dalam badan apabila makanan telah disediakan.
Pergerakan	Keupayaan untuk bergerak dari satu bilik ke bilik yang lain tanpa memerlukan bantuan fizikal.
Pemindahan	Duduk dan bangun dari kerusi tanpa memerlukan bantuan fizikal.

Penyakit Kritikal (PK)

Manfaat Penyakit Kritikal akan dibayar secara sekaligus jika peserta mengalami satu (1) daripada tiga puluh enam (36) Penyakit-penyakit Kritikal seperti yang disenaraikan di bawah:

1. Penyakit Alzheimer / Demensia Teruk	19. Jangkitan HIV Melalui Transfusi Darah
2. Meningitis Bakteria – mengakibatkan ketidakupayaan kekal	20. Kehilangan Upaya Hidup Sendiri (Berdikari)
3. Tumor Otak Benign – keterukan tertentu	21. Hilang Keupayaan Bertutur
4. Buta – Kekal dan Tidak boleh Pulih	22. Kelecuran Tahap Ketiga – keterukan tertentu
5. Pembedahan Otak	23. Trauma Kepala Major (teruk) – mengakibatkan ketidakupayaan
6. Kanser – keterukan tertentu dan tidak melindungi kanser tahap awal	24. Transplan Organ Utama / Sumsum Tulang
7. Anemia Aplastik Kronik – mengakibatkan Kegagalan Kekal	25. Penyakit Sistik Medular
8. Koma – mengakibatkan defisit neurologi kekal dengan simptom	26. Penyakit Neuron Motor – defisit neurologi kekal
9. Pembedahan Pintasan Arteri Koronari	27. Sklerosis Multipel

10. Pekak – Kekal dan Tidak boleh Pulih	28. Distrofi Otot
11. Ensefalitis – mengakibatkan ketidakupayaan kekal untuk	29. Penyakit Arteri Koronari Serius
12. Kegagalan Buah Pinggang – memerlukan dialisis	30. Kelumpuhan Anggota
13. Kegagalan Hati Tahap Akhir	31. Penyakit Parkinson – mengakibatkan ketidakupayaan kekal
14. Penyakit Paru-paru Tahap Akhir	32. Hipertensi Arteri Pulmonari Primer – keterangan tertentu
15. AIDS Dengan Gejala Penuh	33. Strok / Angin Ahmar – mengakibatkan defisit neurologi kekal
16. Hepatitis Virus Fulminan	34. Pembedahan Aorta
17. Serangan Jantung – keterangan tertentu	35. Lupus Eritematosus Sistemik Dengan Komplikasi
18. Pembedahan Injap Jantung	36. Penyakit Terminal (Membawa Maut)

Nota: Sila rujuk Sijil Takaful untuk definisi penuh HUMK dan PK.

4. Berapakah sumbangan yang perlu saya bayar?

Jumlah sumbangan yang anda perlu bayar dan terma-terma Sijil Takaful mungkin berubah bergantung kepada kelas risiko berdasarkan keperluan pengunderaitan AmMetLife Takaful.

Anggaran sumbangan yang anda perlu bayar: RMXXX

AmMetLife Takaful memperuntukkan sebahagian daripada sumbangan untuk membeli unit-unit di dalam dana berkaitan pelaburan yang telah anda pilih. Sebarang amaun yang tidak diperuntukkan (fi wakalah) akan digunakan untuk membayar komisen kepada ejen/penasihat kewangan dan lain-lain perbelanjaan AmMetLife Takaful. Anda dinasihatkan untuk merujuk kepada kadar peruntukan yang diberi di dalam Ilustrasi Manfaat.

Sijil Takaful anda akan terus berkuatkuasa selagi nilai unit yang dilaburkan di dalam DPP adalah mencukupi untuk ditolak Tabarru' pelan asas, Tabarru' rider (jika ada) dan lain-lain caj; jika tidak sijil anda akan luput.

5. Apakah fi dan caj yang perlu saya bayar?

- **Fi Wakalah** – Fi wakalah sebagai peratusan sumbangan akan dikenakan. Sila rujuk kepada Ilustrasi Manfaat untuk amaun fi wakalah.
- **Tabarru'** – Amaun tabarru' akan ditolak secara bulanan dari nilai DPP anda. Amaun tabarru' ini akan meningkat berdasarkan umur anda. Butiran amaun tabarru' dan lain-lain caj untuk pelan ini adalah seperti yang dinyatakan di dalam Ilustrasi Manfaat.
- **Fi Perkhidmatan Bulanan** – RM5 akan ditolak secara bulanan daripada nilai DPP anda.
- **Fi Serahan** – RM100 sekiranya membuat serahan sijil sebelum tahun keempat sijil.

6. Apakah terma dan syarat yang perlu saya ketahui?

- **Kepentingan Pendedahan** – Anda mesti mendedahkan semua fakta penting seperti keadaan kesihatan dan menyatakan umur/tarikh lahir anda dengan betul. Jika tidak Sijil Takaful mungkin akan dibatalkan dari awal.
- **Tempoh Rujukan Percuma** – Anda boleh membatalkan Sijil Takaful dengan memberi notis secara bertulis kepada AmMetLife Takaful dalam masa lima belas (15) hari daripada tarikh Sijil Takaful diterima oleh anda. Pada masa pembatalan, AmMetLife Takaful akan memulangkan yang berikut:
 - jumlah fi wakalah (sumbangan yang tidak diperuntukkan);
 - nilai DPP pada tarikh penilaian berikutnya; dan
 - sebarang amaun tabarru' dan fi perkhidmatan bulanan yang telah ditolak;
 - ditolak fi pemeriksaan perubatan, jika ada.
- **Had ke atas Manfaat HUMK** – Manfaat HUMK akan tamat dengan serta merta pada tarikh ulang tahun Sijil Takaful selepas hari lahir ke enam puluh liama (65) peserta. Jumlah keseluruhan manfaat HUMK setelah ditolak DPP yang akan dibayar kepada seseorang Peserta di bawah Sijil Takaful ini dan semua sijil individu dan berkelompok dengan AmMetLife Takaful adalah terhad kepada RM2,000,000.00.

- **Had ke atas Manfaat PK** – Manfaat PK setelah ditolak DPP yang akan dibayar kepada seorang peserta di bawah Sijil Takaful ini dan semua sijil individu dan berkelompok dengan AmMetLife Takaful adalah terhad kepada RM2,000,000.00.
- **Nilai Tunai** – Nilai tunai adalah nilai DPP Sijil Takaful berkaitan pelaburan anda berdasarkan prestasi dana-dana berkaitan pelaburan yang telah dipilih.
Sila ambil perhatian bahawa nilai tunai mungkin akan kurang daripada jumlah sumbangan yang telah anda bayar.
- **Sijil Luput** – Sijil akan luput apabila nilai DPP tidak mencukupi untuk ditolak amaun tabarru' dan lain-lain caj.
- **Tempoh Kelayakan/Menunggu untuk Manfaat PK** –
 - a) Kelayakan untuk mendapat perlindungan penyakit kritikal (kecuali untuk serangan jantung, kanser, pembedahan pintasan arteri koronari & penyakit arteri koronari lain yang serius) hanya akan bermula tiga puluh (30) hari selepas tarikh Sijil Takaful berkuatkuasa atau tarikh penguatkuasaan semula Sijil Takaful, yang mana terkemudian.
 - b) Kelayakan untuk mendapat perlindungan penyakit kritikal bagi serangan jantung, kanser, pembedahan pintasan arteri koronari & penyakit arteri koronari lain yang serius hanya akan bermula enam puluh (60) hari selepas tarikh Sijil Takaful berkuatkuasa atau tarikh penguatkuasaan semula Sijil Takaful, yang mana terkemudian.
- **Sumbangan Tambahan** – Anda dibenarkan untuk membuat sumbangan tambahan di bawah Sijil Takaful ini dan ini boleh dilakukan pada bila-bila masa semasa Sijil Takaful berkuatkuasa. Sumbangan tambahan minima ialah Ringgit Malaysia lima puluh (RM50).

7. Apakah pengecualian-pengecualian yang utama?

Manfaat	Pengecualian
Manfaat Kematian	AmMetLife Takaful tidak akan membayar manfaat kematian sekiranya peserta meninggal dunia disebabkan oleh perkara-perkara berikut: a) bunuh diri (sama ada semasa waras atau tidak waras) dalam tempoh satu (1) tahun dari tarikh kuatkuasa; atau b) semasa peserta di bawah pengaruh alkohol, narkotik atau dadah selain daripada yang dipreskripsi oleh pegawai perubatan yang bertauliah; atau c) jika kematian disahkan oleh sebab keadaan sedia ada. AmMetLife Takaful hanya akan membayar nilai DPP (jika ada).
Manfaat HUMK	AmMetLife Takaful tidak akan membayar manfaat HUMK untuk mana-mana HUMK yang disebabkan secara langsung atau tidak langsung, sepenuhnya atau sebahagian oleh perkara-perkara berikut: a) cubaan untuk membunuh diri atau mencederakan diri sendiri sama ada semasa waras atau tidak waras; atau b) semasa berada di bawah pengaruh alkohol, narkotik atau salah guna dadah selain daripada yang dipreskripsi oleh pegawai perubatan yang bertauliah; atau c) hilang upaya adalah disebabkan oleh keadaan sedia ada; atau d) hilang upaya yang berlaku sebelum permulaan perlindungan takaful di bawah Sijil Takaful ini.
Manfaat PK	AmMetLife Takaful tidak akan membayar manfaat PK jika ianya disebabkan secara langsung atau tidak langsung, sepenuhnya atau sebahagian oleh perkara-perkara berikut: a) cubaan untuk membunuh diri atau mencederakan diri sendiri sama ada semasa waras atau tidak waras; atau b) semasa berada di bawah pengaruh alkohol, narkotik atau salah guna dadah selain daripada yang dipreskripsi oleh pegawai perubatan yang bertauliah; atau c) jika PK disebabkan oleh keadaan sedia ada; atau d) PK yang berlaku sebelum permulaan perlindungan takaful di bawah Sijil Takaful.

Nota: Senarai ini adalah tidak menyeluruh. Sila rujuk kepada dokumen-dokumen Sijil Takaful untuk senarai pengecualian, terma dan syarat yang lengkap.

8. Bolehkah saya membatalkan Sijil Takaful saya?

Penyertaan di dalam pelan berkaitan pelaburan ini adalah satu komitmen kewangan jangka panjang. Adalah tidak digalakkan untuk memegang Sijil ini untuk tempoh yang singkat memandangkan kos permulaannya yang tinggi. Jika anda mendapati bahawa dana pelaburan yang dipilih tidak lagi sesuai, anda mempunyai fleksibiliti untuk menukar dana. Jika anda membatalkan Sijil anda, anda mungkin menerima nilai yang kurang daripada jumlah sumbangan yang telah anda bayar dan anda dan keluarga anda tidak akan mendapat manfaat daripada pelan ini lagi.

9. Apakah yang perlu saya lakukan jika ada perubahan kepada butiran untuk menghubungi saya?

Anda perlu memberitahu AmMetLife Takaful secara bertulis jika ada perubahan kepada butiran untuk menghubungi anda untuk memastikan semua surat menyurat sampai kepada anda tepat pada masanya.

10. Di mana boleh saya dapatkan maklumat lanjut?

Sekiranya anda memerlukan maklumat tambahan mengenai Takaful Keluarga, sila rujuk kepada buku nota kecil insurance info "Takaful Keluarga", ianya boleh didapati di pejabat kami atau anda boleh mendapatkan salinannya daripada wakil AmMetLife Takaful atau layari www.insuranceinfo.com.my. Jika anda ada sebarang pertanyaan, sila hubungi kami di alamat di bawah.

AmMetLife Takaful Berhad (201101002936)

Tingkat 23, Menara 1 Sentrum,
No. 201, Jalan Tun Sambanthan,
50470, Kuala Lumpur.

Tel: 1 300 22 9777 Fax: (603) 2272 3229
Emel: customercare@ammetlifetakaful.com
Laman Sesawang: ammetlifetakaful.com

Jika anda perlu membuat tuntutan, anda mesti menghantar pemberitahuan bertulis kepada AmMetLife Takaful. Untuk tuntutan perubatan dan kemalangan, ianya perlu dihantar dalam tempoh tiga puluh (30) hari dari tarikh kejadian manakala untuk tuntutan lain, ia adalah dalam tempoh enam puluh (60) hari dari tarikh kejadian.

Apabila kami telah menerima pemberitahuan tersebut, kami akan memaklumkan kepada anda mengenai dokumen-dokumen yang perlu dilengkapkan dan hantarkan kepada kami untuk memproses tuntutan anda.

11. Perlindungan Takaful Keluarga lain yang serupa.

Sila hubungi AmMetLife Takaful untuk pelan-pelan lain yang serupa yang ditawarkan oleh AmMetLife Takaful.

NOTA PENTING:

INI ADALAH PRODUK TAKAFUL YANG BERKAIT DENGAN PRESTASI ASET-ASET SANDARAN, DAN BUKAN PRODUK PELABURAN TULEN SEPERTI UNIT AMANAH. ANDA HENDAKLAH MENILAI PILIHAN-PILIHAN ANDA DENGAN TELITI DAN BERPUAS HATI BAHAWA PELAN TAKAFUL BERKAITAN PELABURAN YANG DIPILIH MEMENUHI KEPERLUAN RISIKO ANDA, DAN ANDA MAMPU MEMBUAT SUMBANGAN SEPANJANG TEMPOH SIJIL. UNTUK MENINGKATKAN NILAI PELABURAN PADA BILA-BILA MASA, ANDA DISARANKAN MEMBUAT SUMBANGAN-SUMBANGAN TAMBAHAN SEBAGAI 'SUMBANGAN TAMBAHAN'. PULANGAN BAGI DANA BERKAITAN PELABURAN ADALAH TIDAK DIJAMIN.

1. Sila ambil perhatian bahawa dokumen ini hanya untuk rujukan sahaja dan tidak menjadi sebahagian daripada kontrak takaful dan/atau nasihat profesional. Terma dan syarat penuh pelan ini dinyatakan di dalam Sijil Takaful.
2. Dokumen ini hendaklah dibaca bersama Ilustrasi Manfaat yang disediakan oleh wakil AmMetLife Takaful.
3. Semua permohonan untuk menyertai pelan takaful ini mestilah dibuat dengan mengisi Borang Permohonan Takaful Keluarga. AmMetLife Takaful berhak untuk menerima atau menolak mana-mana permohonan berdasarkan budi bicara AmMetLife Takaful.
4. Anda mestilah berpuas hati bahawa pelan ini menepati keperluan anda dan sumbangan yang perlu dibayar di bawah Sijil Takaful ini adalah amaun yang anda mampu bayar.
5. Manfaat-manfaat yang dibayar di bawah sijil yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi AmMetLife Takaful Berhad atau PIDM (layari www.pidm.gov.my).